

Men ko kwōj aikuj jelā

- Wā ko rej bōbrae nañinmij im kejbarok kwe.
- Ejellok wōnnen wā ko an COVID-19 ñan aoleb.
- Jab kabōjrak am kōmmani iminene ko rej lewaj kejbarok. Enaj bōk ien ñan bōklok wā ko ñan aoleb.
- Oregon enaj bōk wā ko edik joñan wōran ilo ien eo enaj jino kōmelim juon wā ekāāl.
- Armij ro elablok uwōta ñan aer bōk COVID-19 renaj bōk wā eo mokta.
- Armij ro ediklok aer uwōta renaj bōk wā eo ilo ien kim naj bōk lablok in joñan wā ko.

Wā ko an COVID-19 (coronavirus) rej itok.

Wā ko an COVID-19 jino-intata rej kōmelim kiō im ajej ilo Amedka. Wā ko rej bōbrae nañinmij im kejbarok kwe. Wā ko rej jibañ kejbarok kwe, baamle eo am, ro rej jokwe iturim im jukjukin bed eo am.

Oregon enaj bōk wā ko edik joñan wōran ilo ien eo enaj jino kōmelim juon wā ekāāl.

Ilo ien wā ko an COVID-19 renaj kōmelim, kajojo state enaj loe joñan wā ko reiet. Eñin wūnin an Oregon lelok wā ko ñan armij ro elabtata uwōta ñan aer bōk COVID-19 mokta.

Renaj lelok wā eo mokta ñan armij ro elablok uwōta ñan er.

Armij ro elabtata aer jelōt jen kij eo an COVID-19 renaj bōk wā ko jinoin mokta. Ilo Oregon, enaj rijerbal ro ikijen kejbarok ejmour im rinañinmij im rijerbal ro rej lelok idiñ kōmadmōd ko im rej kebaak kij in nañinmij eo ilo jikin jerbal eo aer, im armij ro rej jokwe im jerbal im imōn rūtto ro iomwin ien aitok.

Kwōmaroñ bōk men in ilo bar juon kajin, jeje ko relab, ak bar juon wāween eo emman ñan kwe. Kūrluk 800-273-0557 (TTY 711).

Enaj bōk ien ñan bōklok wā ko ñan aoleb.

Iomwin ien, enaj lablok wōran wā ko renaj kōmmani im renaj letok ñan state in ad. Armij ro ediklok uwōta ñan aer bōk nañinmij eo renaj lelok wā ñan er ñe jebar loi wā ko jet.

Oregon ej kakoba ejmourin lobelej, kejbarokin ejmour, im kumi ko ilo jukjukin bed ko bwe ren kōmmene juon bebe ñan aer jimor maroñ bōk wā kein. [Bōk melele ko relablok kin bebe in wā eo an Oregon.](#)

Eaurōk am bed ilo kejbarok. Jab kabōjrak am kōmmani iminene in kejbarok ko remman.

Wā ko rej letok kōjatdikdik ke enaj bōjrak jorren in emōj an jelōte aoleben lal in, bōtab ilo ien in, jej aikuj wōnmaanlok kin joñan kejbarok ko ñan kabōjrak an kij eo ajeded:

- Kōnake juon kein kalbubu iturin māj
- Kwōn bed wōt 6 ne ak ettolok jān ro jet
- Kwal beim
- Jab kakobaba ibben armij
- Bed wōt mweo mom elañe kwōnañinmij

Kajitōk im Uwaak ko

Wōn eo enaj wā mokta?

Wā ko an COVID-19 ñan Armij in Oregon		
1 Kumi eo kein kajuon	2 Kumi eo kein karuo	3 Kumi eo kein kajilu
<p>Wōn: Rijerbal ro rej kaju lelok kōmadmōdin kejbarok im rej kebaak nañinmij eo ilo jikin jermal, im armij ro rej jokwe im jermal ilo jikin kejbarok iomwin ien aitok</p> <p>Waanjoñak ko: Rikattōr im rijerbal ilo ambulance (paramedic), nōōj, im rijerbal in karreo ilo aujbitōl ro</p>	<p>Wōn: Ro rej jermal ibben armij in lobelej im lelok jibañ ko reaurōk ñan mour.</p> <p>Waanjoñak ko: Rikaki, ro rej kōmadmōd mōñā im rikattōr baj ko</p>	<p>Wōn: Ro rej bed ilo joñan uwōta elablok.</p> <p>Waanjoñak ko: Armij ro ewōr aer nañinmij ko rejab jako, armij ro rerūtto jen 65 yiō.</p>
<p>Ia eo kwōnaj bōk wā eo: Ilo jikin jermal, mōko imōn kejbarok iomwin ien aitok</p>	<p>Ia eo kwōnaj bōk wā eo: Ilo jikin jermal, obij ko an taktō, makūtkūt ko an jukjukin bed ko, jikin ejmour ko an lobelej, jikin taktō ko emōj kajutak, im imōn wia uno ko</p>	<p>Ia eo kwōnaj bōk wā eo: Obij ko an taktō, jikin taktō (clinic ko), imōn wia uno ko, im jikin ejmour ko an lobelej</p>
Wōnnen: Ejellok	Wōnnen: Ejellok	Wōnnen: Ejellok

Ālikin an kumi kein bōk wā ko aer, enaj etal ñan ro jet.

Ta eo imaroñ kōmmāne elañe ña juon rijerbal ej kaju lelok kejbarok ñan rinañinmij ak ij bed ilo joñan uwōta eo elab?

Kebaak eo ej kejbarok ejmour eo am ñe ejab ra in ejmourin lobelej ilo bukōn eo am.

Jete naj wōnnen wā eo an COVID-19?

Ejellok wōnnen wā ko an COVID-19 ñan aoleb. Jet rilelok ko remaroñ kōmman wōnnen ien am etal.

In ke bōk juon wā elañe emōj aō kar bōk COVID-19?

Kwōmaroñ bōk wā eo jekdoon ñe emōj am kar bōk COVID-19.

Ij ke aikuj kōjberbal Bebe in Ejmour eo an Oregon (Oregon Health Plan) ñan aō bōk wā eo?

Jab, wā ko renaj etal ñan aoleb ilo an ejellok wōnnen. Kwōjab aikuj OHP ak bar juon injūrān in ejmour.

Ta in wā?

Wā ko rej uno ko rej jibañ kein bōbrae eo an enbwinñom tarinae ibben nañinmij ko ilo juon wāween eo emmanlok im mōkajlok.

Wā ko rej ke letok jorren?

95% in tokjen an jermal wā ko an COVID-19. Wā ko rej lukkun niknik aer teeji ñan lale ke rejab kōmman jorren.

Oregon ej ke bōki kiltōn ko relōñlok ñan lolorjak ke wā ko reban kōmman jorren?

Aet, Oregon ej mōttan [Kumi in Jermal ñan Etale an Kejbarok Katak ko an Science ikijen COVID-19](#). Men in ej letok bar juon alen kejbarok elablok ñan lolorjak ke wā ko an COVID rej ion joñjoñ ko relabtata ñan aer jab kōmman jorren mokta jen aer etal ñan armij in Oregon.

Ewi wāween aō bōk katak ko relablok kin wā ko ilo Oregon?

Kwōmaroñ bōk katak ko relablok im bōk melele ko rekāāl ilo [beij in wā eo an COVID-19 an Oregon](#).

www.OHP.Oregon.gov